

Broj protokola:
29.12.2012.

POZIV ZA MEDIJE

Poštovani,

U mjesecu, i na dan u kojem se obilježava Svjetski dan borbe protiv AIDS-a, Centar za kulturu dijaloga, pod pokroviteljstvom UNDP-a, organizuje za učenike i profesore iz cijele BiH, dvodnevni seminar „Kroz debatu saznajmo više o HIV-u“.

U ovoj godini to je već 4 seminar u kojem se nastavlja promocija prava osoba zaraženih HIV-om i oboljelih od AIDS-a kroz posebno kreirane aktivnosti namijenjene učenicima osnovnih i srednjih škola i njihovim nastavnicima i profesorima.

Seminar će biti organiziran u periodu 30.11. – 02.12.2012. u hotelu Grand u Sarajevu. Otvaranje Seminara je predviđeno 30.11.2012. (petak) sa početkom u 19:30 sati. Bila bi nam izuzetna čast ukoliko biste, kao glas javnosti, kao predstavnici sedme sile i kao važan faktor u formiranju stava javnosti o najvažnijim temama, propratili otvaranje Seminara i prisustvovali kao gost.

Na seminaru će učestvovati učenici, nastavnici i profesori iz sljedećih gradova: Bijeljine, Bosanske Krupe, Brčkog, Čelića, Goražda, Gračanice, Doboj Istoka, Donjeg Vakufa, Hadžića, Ilijaša, Istočnog Sarajeva, Kladnja, Konjica, Mostara, Novog Grada, Pala, Rogatice, Sanskog Mosta, Sapne, Sarajeva, Srebrenika, Srpa, Tešnja, Tuzle, Visokog, Vlasenice, Velike kladuše, Zenice, Zvornika i Živinica.

Mladi će kroz interaktivne radionice, kreativni rad i zajedničko druženje, kreirati materijale u kojima će pokazati svoja znanja i prezentirati vještine koje su usvojili tokom Seminara. Osnovni cilj radionica, tokom kojih će mladi kroz kreativan rad i zajedničko druženje kreirati materijale u kojima će pokazati svoje originalne ideje koje mogu biti korištene u borbi protiv HIV-a, jeste povećanje svijesti o opasnostima koje HIV nosi i smanjenje stigme ljudi zaraženih HIV-om, odnosno oboljelih od AIDS-a.

Osnovna uloga Seminara je podizanje svijesti javnosti o ljudskim pravima zaraženih i oboljelih i načinima na koje lokalne zajednice iz cijele BiH mogu doprinijeti destigmatiziranju HIV pozitivnih osoba. Ovo je posebno važno u momentu dok cijeli svijet obilježava Svjetski dan borbe protiv AIDS-a, u momentu kada će oči javnosti posmatrati i borbu mladih ljudi iz BiH i njihovih profesora protiv najopakijeg virusa sadašnjice. Iskreno se nadamo da će vaš medij prepoznati aktualnost teme i da će cijeloj BiH prenijeti sve aspekte Seminara, na taj način osvještavajući javnost BiH o HIV/AIDS-u, pokazujući svijetu da BiH prati sve svjetske trendove u borbi protiv virusa i bolesti.

Vjerujemo da je uz pomoć medija moguće unaprijediti kvalitetu života zaraženih i oboljelih, i na taj način pokazati svijetu da BiH može i treba biti dio globalne akcije borbe protiv ovog opakog virusa i stravične bolesti.